

## Tercera Carta de

# SAN JUAN

---

### Alabanzas a Gayo

<sup>1</sup>Yũ, cabũcu camasĩ majũ, ati cartare mũ yũ woajoya, Gayo yũ bapa cañnorẽ bairo yũ camai majũũrẽ.

<sup>2</sup>Yũ yaũ, yũ baire bairo caãcũ, yũ camai, atore bairo Diopũre mũ yũ jẽnibojaya: Dios cũ caĩñajoro caroaro mũ cañnorẽã bairo nipetiri wãme caroaro mũ caãtiãni wãme jeto to ãmarõ. Bairi tunu riaye mácũ caroaro mũ caãno cũãrẽ yũ boya. <sup>3</sup>Bũtioro yũ tũgoña useaniapũ jĩcããrã marĩ yarã atĩri, Dios mena caroaro cariape mũ catũgoñatutuacõãnierẽ yũ na caquetibũjũro tũgori. <sup>4</sup>Netõjãñurõ useanirĩqũẽ niña yura, yũ cabuerã yũ pũnaarẽ bairo caãna Dios cũ caãnirotirore bairo cariape na caãtiãnie quetire yũ catũgoata.

<sup>5</sup>Yũ yaũ, yũ baire bairo caãcũ, yũ camai, caroaro nucũbũgorique mena marĩ yarã aperãrẽ na mũ qũẽnonucũñupã mũ ya wiipũre. Bairo jeto mũ átĩãninucũñupã aperopũ macããna mũtu caetarã quetibũjũri majãrẽ. <sup>6</sup>Bairi jãã cañubue neñarõpũ ãna, na cũã, “Bũtioro jããrẽ camai ãnirĩ caroaro jãã juãtinucũñami Gayo,” ĩ busũnucũñama mũrẽ. Bairi mũrẽ ñiña: Tunu na caetaro, na juãtinemoña. Na cabopacarijere na joya, na caquetibũjũ

ñesẽãmasĩnucũparore bairo ĩ. Dios cũ caborore bairo na juãtinemoña. <sup>7</sup>Na pũame Jesucristo yarã, cũ carotiricarã ãnirĩ cũ yaye quetire na bueñesẽãránã bainucũñama aperopũ macããnarẽ. Bairo topũ Diore camasĩẽna watoapũ ãna, “Jããrẽ juãtinemoña,” na ĩ jẽniñesẽãtĩnucũñama. <sup>8</sup>Torena, marĩ pũame caroaro mena na marĩ juãtinemogarã, Jesucristo yaye queti cariape macããjẽrẽ na caquetibũjũ ñesẽãmasĩnucũparore bairo ĩrã.

### La mala conducta de Diótfrefes y el buen ejemplo de Demetrio

<sup>9</sup>Mai, yũ pũame jĩcã carta na yũ woajomiwũ mũtu macããna Dios ya poa macããna ñubueri majãrẽ. Bairo yũ caátimiatacũãrẽ, Diótfrefes pũame camasãrẽ cajũgobueri majã jãã caãnierẽ boetinucũñupĩ, camasãrẽ rotirique jetore caãtinucũũ ãnirĩ. <sup>10</sup>Bairi yũ pũame mũjãã tũpũ yũ caetari rĩmũ caãno cũrẽ tutuaro mena cũ yũ quetibũjũgũ. Mai, cũ pũame cabũgoroa jããrẽ busũpai ñesẽãnucũñami. Yũ pũame tie cũ caĩñesẽãrijẽ mena yũ useaniẽtĩña. Aperã marĩ yarã cañubueñesẽãrĩ majãrẽ caroaro na qũẽnoetinucũñami. Tunu bairoa marĩ yarãrẽ, aperã ñubueri majã na ya wiipũ na na

caçūgaata, narē cūrotietinucūñami Diótréfes. Tunu bairoa narē caqūēnogarārē na acurewiyo jocoñnucūñami. “Tore na tuaeticōãto Dios ya poa macããna mena,” ĩ, tore bairo átiāninucūñami.

<sup>11</sup>Bairi yu yaç, yu baire bairo caãcū, yu camai, atie carorije macããjē na caátiere ĩñajeeticōãña. Caroa macããjē jetore átiāninucūña. Caroa macããjērē caátīāninucūñ pũame Dios mena jīcārōrē bairo caãcū niñami. Apei, carorije macããjē jetore caácu pũame Diore camasiēcūrē bairo tuayami.

<sup>12</sup>Cabaimiatacūārē, apei Demetrio pũame caroaro átiāninucūñami. Nipetiro camasã, “Cañuu niñami Demetrio,” na cañ ninucūñami. Bairi Dios cariape caãcū cūã masiñami caroaro Demetrio cū caátīānierē.

Bairi jāã cūã cū cabaiānierē tūgorã, tiere jāã busunucūña. Merē caroaro cariape mũ cūã mũ masiña cūrē jāã caĩbusunucūrījērē.

#### Palabras finales

<sup>13</sup>Bairua, capee mũ yu quetibujugamiña. Baimicūã, woatujorique mena mūrē yu quetibujogaetiya. <sup>14</sup>Tāmuri mūrē ñiñagaya tunu. Bairo mūrē ĩñauru roque, mũ mena yu busugu yu majūrua atie queti caroa macããjērē.

<sup>15</sup>Bairi caroa yericutaje mũ cū jonemoáto Dios. Yu baparã mũ ñurotijoyama. Bairi mūrē ñiña: Tocānacāñrua na ñuáto marĩ yarã to macããna.

Tocārōã niña atie queti yu cawoajorije.